

天下郡國利病書卷一百八

一百八

崑山顧炎武寧人輯
成都龍萬育燮堂訂



旅途志

郡國未有以旅途記者滇在天末東有黔中諸夷間
之北有蜀之裔土南有粵之羈縻屬縣間之道途通
塞命脈係焉昔楚莊躋沔沔水畧地至滇池其轉戰
逐北經歷之地未有紀也秦常頽通五尺道漢唐蒙
治夜郎道司馬相如治靈關道其所鑿山刻木之地
未有紀也劉向之擊棟蠶孔明之擊雍闓皆渡瀘水
李雄僭蜀遣李釗攻寧州刺史王遜進軍由小會隋
史萬歲之討爨翫自蜻蜒川經大小勃弄元世祖之

卷一百八

雲南二

一

伐大理自忒刺分三路或由宴當或由白蠻或由滿
陀城而其師行所過止宿警蹕未有紀也公孫述時
句町大姓保境為漢遣使自番禺江奉貢而其間道
所趨閱歷何所未有紀也惟唐志載貞元十年遣祠
部郎中袁滋與內給事劉貞諒使南詔自戎州開邊
縣由曲州石門鎮鄧枕山馬鞍渡蒙夔山諭官川薄
倅川界江山荆溪谷激深池湯麻頓柘東城安寧井
曲水石鼓佉龍至羊苴咩城貞元十四年遣內侍劉
希昂使南詔自雋州清溪關由大定達仕二城西南
經箐口永安木瓜嶺臺登城蘇祁縣羌浪驛陽蓬嶺

會一河子鎮渡瀘水至姚州又載安南經交阯太平
峯州南田恩樓縣忠城多利州朱貴州浮動山天井
山山上夾道皆天井間不容跬者三十里又經湯泉
州祿索州龍武州皆蠻蠻安南境又歷儻遲頓八平
城洞澡水至曲江劔南地然其山川之險易物情之
變幻未有紀也 國朝通滇爲列藩其人覲之路置
傳設驛馬曰東路間道走蜀者曰西路頃歲安氏衡
決烏酋吹聲東西道斷因北走金沙大渡曰建越路
建越多夷患復不能以時開通又南間道粵西自廣
南達南寧其分岐而合於廣南者通曰廣南路廣南

在滇之南折而東北始達南寧其道迂又有由東直
走羅平安籠以達田州者曰羅平路一一撮其亭徼
焉覈其遠近險夷考其人情焉東路繇黔以達於沅
州始爲楚郡故止於沅州志普定興隆路并志黔志
黔亦以志滇也黔之腹心滇之咽喉也志清浪晃州
路并志楚志楚亦以志滇也楚之邊徼滇之唇齒也
西路由黔西以達納谿建越路由會川以達滎經始
爲蜀邑故止於納谿滎經志烏撒建越路并志蜀志
蜀亦以志滇也蜀之藩籬滇之門戶也廣南羅平至
於南寧始爲粵郡故止於南寧志歸順田州路并志

粵志粵亦以志滇也粵之窮荒滇之扼塞也諸路皆
由陸惟金沙有水道而未通故以金沙江附焉山川
苦其歷不書其望艱難險阻迂怪謠俗咸書以補他
志所不及云

陸路

普安入黔舊路

雲南沿城三亭而達板橋驛近郊有金馬關

板橋達楊林所號三亭實六亭者察赤水鵬

楊林所達易龍驛有木密關守禦所號三亭納禧羅傍實七亭羅傍

山沈楊林海子方如支郡三城有漁舟百十艘有黃坡

卷二頁

雲南二

三

沿海扼塞昔殲騰永叛卒於此

易龍達馬龍州號三亭趙福白塔昌隆實八亭途經小關索嶺

古城堡魯婆伽巡檢司夾路多瑒鬪花丹素二采

馬龍三亭而達南寧驛馬始用昆蹄昆蹄也者範金飾

馬蹄以禦石齒爾雅曰昆蹄善升戲郭璞曰戲山形如

甌或曰周公通九夷時所制也有響水關

南寧達白水號三亭阿幢橋分水交水實八亭交水平川可走

輪阿幢橋有大道走曲靖府號三岔路有鐵溝哨

白水達平夷六亭多羅響水石層有茶花箐多盜路有清溪洞

面溪流中宵深炬火入之有浮屠龍象芝朶雲英之像

皆石乳溜結者有桂花洞有桂花一本百尺根盤洞底
枝出洞外秋華時香徹他山

平夷衛六亭火燒東堡平夷而達亦資孔驛枕石象山中路有

桌楔曰滇南勝境還觀山平天闕東則筍霧瘴雲此

天限二方也有平夷所馬鬃嶺硝洞

亦資孔驛達普安州號六亭實八亭蒿子海子火蒿我娘有番納

牟山土人稱雲南坡陂陀相續行石齒中

普安州達新興驛號六亭軟橋革刺撒麻水塘高麗實八亭而崎出

城有狗場坡民無編戶土酋號十二營長其部落有獠

獠仲家獠焚人言語各不相諳以焚人譯之夷俗有

火炬二節丑未月之念四日是其辰也是節擊鮮以祭
小兒各持火喧戲於市若中州上元然撒麻亭有八部
山地名舊普安唐盤州遺址存焉有軟橋坡其水為盤
江之委板橋坡地廣黃壤樹多青松土人燧松稊以代
燭堡站實枕新盤山

新興達安南衛號六亭芭蕉沈納牛場臘茄鳥鳴實八亭有新興坡

芭蕉關分水嶺江西坡沙子嶺上老鴉關沙行者十六

石行者十四衛城南闈有尾灑井清甘可茗因以名驛

夷言尾灑華言水下也

安南達查城號六亭尾灑水洞壁甸盤江黃土坡實十亭而遙有哈

馬章倒馬坎盤江坡至盤江江出烏蠻滙於廣西者香

江江即左饒瘴癘草青之日有綠煙騰波散為宛虹駁霞

觸之如炊枯菌舊行人畏之江岸乃靖遠伯南征喪大

師之所每水溢時多化為異物過江有癩石坡黃土坡

西關坡山齒箐遂吐霧彌天不分咫尺行者前後相呼

查城四亭而達關嶺安龍青白口堡關嶺茲東路險絕貢程也有

白口坡東坡安遠箐坡有胡椒凹有象嶺石石皆崖箐

萬仞中僅有道如梁行者慄汗有香樹坡小箐皆坡草

多芝鳥多山呼獸多熊中途懸岩有呂公像舊自查城

至白水路賒馬痛萬歷中葉當事者請移傳郵於關嶺

卷一百八 雲南二

所執政誤讀為關山嶺遂承 旨為關山嶺驛

關嶺四亭鷄背白水河橋而達安莊衛關嶺四十三盤而下有

雞公背與關嶺相對兩山之趾界以溪澗至白水有懸

崖疊水飛流瀑布自山端下注三崕相承下為深潭神

蛇宅之見者必嬰重疾又謂有水犀時出岩谷後徙去

夏漲時噴沫如雲霧 曷數里

安莊五亭龍泉馬場楊家橋而達普定賢茲荒微名都舊永寧

安順鎮寧三州同城今移鎮寧於安莊永寧於安南而

擢安順為軍民府自威清以西皆隸焉地稍平行山如

髻鬢城南闔有塔山浮圖標其顛其使者署中有石化

樹可四五尺碧葉紫花結實紅而黑其本猶石也析藩
司之後園亭佳勝相傳賈似道別署有樹化石石根猶
古松也其類是與

普定六亭沙作飯籬龍而達平壩衛

平壩四亭而畸阿冬鎮溪達威清衛有的澄橋其水黝

湛夾堤多繁葉

威清五亭而達貴州治城阿江小箐山稍夷類嶠澗夾

路多野橙以春冬之交華治城進巒之秀者曰鳳皇帶

城有襄陽橋林多貴竹有貴竹長官司因竹以名州野

產紫芝土人呼菌王解菌毒城市以猴兔二辰為易

卷二十八 雲南二

貴州五亭為寨獨脚畢堡龍洞而達龍里衛

龍里六亭乾溪瓮城新而達新添衛路夾長澗有長谷

坪空洞坡野猪洞龍從坡野猪洞豬穴之石崖截立千

仞盤回復迳人騎弗戒恒有墜者親安對亭有埭峭立

而上平下有洞深靚九龍觀標其顛

新添達平越衛號六亭崖頭冷溪黃絲實卜亭而遙經

望城江西羅羅西陽倒馬五坡有谷蠻關龍場蛇場路

皆石齒馬升甌昆蹄踏聲鏗然火星出地箐有苗行者

側足焉

平越達清平衛號六亭三郎羊場揚實九亭而遙陟梅

老胡資雞場

嶺關度麻合江津人乃水獠夷江俟苗人以石聖就水
澤髮獠家夷女留鯀鯢以供臘祭地有羊腸雞場實諸
夷互市以十二辰相遞歷十二日一市每場歲三十市
歲暮卽場醮會持牛角爲觴吹蘆笙爲樂

清平達興隆衛七亭而遙落燈羅衛重安周洞黃猴渡重安江江色

如渥龍岸樹二橫組纜絕之舟循纜以渡有雲溪洞可

隱千室望香爐山爲岳三城其高敞睿下肆無景上有

漢泥一溪沃疇千畝聚落千部時出禦貨戍人官兵來

討輒沂水下注西陽土兵環之弗克攻有隕自崖者獲

之詢之江估也舍之苗俗以長至爲歲朝拷鼓擊柝羣

卷一百八 雲南二

飲醉卧土兵尾江估以登闕其關殺其關焉者二人急

從金郡帥悉登盡殲之遂城香爐爲關戍其降苗於黃

猴落燈之間

興隆衛五亭而達偏橋履坦東坡王五途經東坡有岩洞類梵

壁普陀境垂乳結溜象雲朶芝英懸泉淙然

偏橋衛達鎮遠府六亭而遙白羊九曲望雲劉家庄青岡渡河而東

有相見坡望城坡望雲關九曲關油榨關沅水沂流舟

通鎮遠而止近決石梁通至偏橋

鎮遠清浪號四亭宛溪焦溪梅溪實十亭經草鞋坡雞鳴關

鎮浪四亭而遙兩溪揚牌達平溪衛渡沅江有峩眉太平二

堡平溪六亭而遙

關灘宋稿鮎魚瓮西溪陳二平溪

達晃州州廢名存

土人相傳此地為古夜郎無據焉爾

後漢書曰夜郎東接交趾其地在湖

南君長本出於木以竹為姓唐志夜郎隸夷州宋志隸

彌州今廢古夜郎城在貴州石阡府葛彭長官司西六

十里與晃州絕不知土人何因傳訛也李白流夜郎實

夫至而返其詩云夜郎萬里道西上令人老又曰五色

雲間鵲飛鳴天上來傳聞赦書至却放夜郎回又曰昔

去三湘遠今還萬死餘意李白上夜郎派三湖至晃州

聞命而返遂以途經南寧鮎魚二堡山產石墨道皆黝

晃州為夜郎歟泥晃州驛五亭而遙

新村冷水波州對火達使水再亂沅江途互

蜈蚣關山遠道迳形如其名樹多樺土人燧樺膚以代

燭便水驛達沅州號四亭

栗子冷水岩田有坪實八亭州臨江江

繞開山自沅以西亭徼荒漫記里多倍而遙徂霄雨燎

相積跋地乃至踞經栗子關地產黃泥可陶陟阪石滑

捨騎乃躋

曰雲南至沅州一千八百九十里為東路

太史楊莊介公得罪南竄自公安至博南為滇程記

亭徼之遠近山川之夷險盡此矣今取其自會城至

沅州者稍增損志東路西路而下不揣同陋摹擬續

之

烏撒入蜀舊路

由交水西北五亭而達松林驛平陂相半舊名晉魯古
今以名堡

松林七亭而達炎方驛有火忽都堡途經松韶關
炎方八亭而達霑益州與烏撒後所同城始食蜀鹽西
有崇山連亘數十里曰石龍山土酋安氏所居有水箐
坡馬鞍哨土兵守之皆隸安氏

霑益八亭而達倘塘驛有倘塘站隸黔中實滇黔蜀錯
繡地自倘塘至納谿縣皆貴州都指揮馬華所開路
倘塘達可渡五亭而遙有大谿出山谷中清而駛梁以
巨木橫溪上曰可渡橋因以名驛隸四川烏撒府其站
曰普德歸有石牙有石井中峭石岩路漸峻滇疆止於
石岩

可渡九亭而達烏撒衛有四川烏撒府與衛同城烏酋
所居曰鹽倉去城一舍中道停驂之所有古松四株其
險道有楊橋三灣

烏撒八亭而達瓦店有檜木林橫長十餘里縱莫知其
極樹多梨以地險多夷寇行人莫敢取鹽倉酋縱馬其
中食之其阨塞有磴子坎每月以午未日聚行旅千餘
嚴兵乃過

瓦店七亭而達黑張自烏撒以西山地瘠不宜稻惟此
地有稻田數百畝烏撒瓦店皆仰食焉有天生橋產銀

艸

黑張七亭而達周泥至野馬川卽望周泥在面山下至
山趾陟七星關山顛窮日乃至七星關水瀦於陸廣水
勢溟濤爲滇蜀要津昔梁王追明玉珍於此有橋懸崖
架木爲之

周泥九亭而達畢節衛黔西諸驛皆隸蜀惟畢節驛隸
黔 月初都督馬華鎮貴川裸撻水酋婦奢香欲激之
叛因盡薙羅鬼開水西爲郡有宣慰同知宋欽妻劉氏
間道走金陵訴之 高皇帝命劉召奢香與子嬪奢助
至宮約合刊山開龍場九驛自貴州至畢節乃徵華殺
之香遂設九驛廩餼馬匹皆水酋供之

卷二頁

雲南二

十

畢節七亭而達層臺所舊有衛今廢有木稀巡司倒馬
坎

層臺六亭而達白崖有相見坡

白崖五亭而達赤水衛衛在雪山關下臨赤虺河河源
出芒部冬春以纜連舟爲浮橋夏秋泛溢奔流津人飭
篙舵乃濟

赤水七亭而達摩泥所躋雪山關嶺頭饒瘴霧鮮晴旭
行淖滯中人馬苦之

摩泥七亭而達普市有一椀水坡泥行如雪山關行人
謠云摩泥普市天三日無雨似神仙大抵黔中爲古巖

荊郡古志云上值天井故多雨源信然夾路皆深茅
戾虫不可踐行

普市十亭而達永寧衛藺酋與衛夾江而居水至納谿
而達於江 明初景川侯曹震奉 命庀工開之其灘
一百九十五名灘八十二石之大者鑿之水之陡者乎
之舟楫通焉刻石於江門大灘上

永寧五亭而達永安

永安驛七亭而達江門

江門驛七亭而達大洲沿江有九溪十八口刊山鑿石
窮劣多不可騎

卷一百一

雲南二

七

大洲驛六亭而達納谿縣江中有三層峽天子磴至渠
壩有馬閻王七空橋今廢馬閻王卽馬華華鎮黔果於
殺戮諸羅憚之故云

自交水至納谿一千二百一十里爲西路

昔 明兵南下以西平督東師戰普定穎川督西師
戰烏撒南土旣定遂以兩路置傳爲神京孔道滇人
之出也自交水十五日而達永寧順流大江其歸也
挽舟爲難則泝沅水取道貴筑邇年滇師西援成都
烏酋爲二陵之禦遂破畢節墮烏撒可渡以外無復
入境矣夫滇人西出而東歸若兩息出入然無四衛

是無滇也亂後輪蹄絕跡津渡口迷卽旦暮再闢亦不能無師老馬矣

建昌路考

由雲南治城西北達富民縣可八亭有河環流縣治卽滇池之流也河有輿梁途經妙高坡清水關富民西北十二亭達武定府有難街子坡趾夷而頂峻東南爲雲南西北爲武定官兵征鳳繼祖敗績於此途坡有小甸關阨要可守

武定西歷烏龍洞躍鷹村高橋村至馬鞍山七亭村落十餘皆枕山面流川原平行廣二十餘里有徑路涉高

橋水徑一亭冬春乃通

逾馬鞍山西九亭達元謀縣歷黑箐哨陰翳多淖出箐至八蠟哨乾海子林杉森密猴猿扳援不畏人崇山複嶺澗有積雪氣寒冽下馬頭山始平行氣始炎樹多木棉其高干雲有金剛鑽樹碧幹蝟刺漿殺人土人密種以當籬落地宜甘蔗芝麻有微瘴虛仁驛在中道今郵傳俱廢止存板屋二十餘家

元謀北六亭達黃瓜園舊有環州驛今廢歷馬街子龍海落地皆平原而荒人皆僉夷由龍海落西渡河有苜林村繇苜卻達姚安秦蜀賈人由越建來者由此入迤

西諸郡其地無關察可以通稅

黃瓜北四亭達江邊金沙北渡有三一由賓川渡江至北勝蕩蕩可通鹽井衛地屬番夷不可行一由大姚縣魚間渡至黎溪一卽此江水駛奔挽舟里許乃橫舟亂流而濟江北無居民惟南岸有巡檢司傍而居者百餘家

按謝在杭氏滇畧金沙江一曰若水源出旄牛徼外麗在北江而東南至於麗江鶴慶北勝姚安諸界水濱產金沙故名山海經曰黑水之間有木名曰若木若水出焉水經注曰若水南經雲南之遂久縣今金沙江巡檢司是

卷一百八 雲南二

三

也又東流合繩水孫水淹水瀘水注於馬湖諸葛亮南征渡瀘卽此昔黃帝長子昌意德劣不足紹承大位降居斯水爲諸侯娶蜀山女生顓頊於若水之野是其地已

涉金沙江北五亭達姜驛初行谷中緣溪而上十里升火焰山其高三十里峯回路轉陡絕之處翼以木棧至山顛三里許卽姜驛驛久頽圯近署茅屋三四家後有夷砦羅婺居之昔從克酋叛今雖就縻尙兇獍可畏江外地皆逼東川七州蜀令不行滇稜莫震中關通道亦蜂腰之勢也

姜驛北八亭達黎溪站初行三里有石鐫行都司界湏
徼盡此三十五里有松平關松杉叅天其密如錐行松
陰中盡日不絕山產白銅品上者曰白鉄可入丹藥
黎溪北七亭而達鳳山營有五里坡險隘多盜七州夷
寨夾路臚焉昔擒克酋於此鳳山營設於山顛下有二
營曰火燒曰觀音聯絡山麓鈴柝相聞實要地云
鳳山北五亭而夷達會川衛中道曰綠廠有銀草閉久
其岑樓俯脉百平蕪山川明媚

會川西北五亭達大龍站道始嚴行旅千百人結隊而
行營哨之兵前驅每月放行人兩次曰送哨

卷一百八

雲南二

古

大龍北六亭至巴松營始泝孫水漢志云孫水出臺登
縣南至會無至若水臺登卽瀘沽會無卽元謀也夾岸
皆崇山羊腸百轉泝流而北高下因山縈曲因水陵谷
間絕者爲危橋以渡水蝕山趾石齒猙獰者不可通輪
蹄或行水中夏秋暴漲則道斷山水稍衍之地爲營哨
環重垣塹深隍爲草屋以居戍卒恒有火災水之東爲
裸西爲番裸屬皆椎髻被毡 持刀盾番爲居碉房髡
頂挾弓矢劫掠無時掠貲貨并縛人入其砦以繩繫兩
趾環以火索重賂以贖不爾則賣之遠夷每一人償以
十牛稍就羈縻者曰熟蠻皆官兵偵捕官給資糧焉

巴松站北六亭達白水歷甸沙關滋泥坎公母營凹腦營皆隘道人騎貫魚行夷患處處有之而甸沙滋泥爲毒將至白水有金川橋一木橫溪濶三丈許俯瞰水面百丈如碧瑣宵澄不見其流

白水六亭而達阿庸歷觀音營半站營其橋曰小高橋河西有德昌所產美材賈人販之一版十金者至江南可百金又山中產不燼木其物得於山谷石脈中掘深丈許非石非木堅而且白鑿之縣縣不斷如絮績以爲帨投火不燼名曰火毳漢桓帝時梁冀作火浣布單衣會賓客行酒神異經曰南方有火山長四十里廣四五

卷一百八 雲南二

五

里生不燼之木晝夜火燃得烈風不猛暴雨不滅此其類也將至阿庸有松盤頂枝葉寵窳如偃翠蓋因名其地曰一把傘

阿庸北九亭達祿馬山水展拓平疇千畝而人民稀少蕪穢太平河西爲鹽井衛歷沙灣黃連堡沙行二十餘里時有颶風揚塵沙蔽天其厲揭而涉者曰潢水河源有海方廣二十里梁而度者曰大高橋

祿馬北折而東七亭達建昌衛卽古邛都阻重山面邛池八部志曰邛河縱廣岸二十里深百餘丈魚長一二丈頭特大遙視如戴鐵釜東南十餘里土官村有徑路

由涼山可達水西產馬頸長而身短善升峻阪

建昌東北五亭達禮州所

禮州東北七亭達瀘沽驛一路盡榛莽少煙火寇盜視前更劇曰關王廟曰猫兒坎曰溪隴站曰三道溝曰大灣曰梁甫墳皆桐槽諸番伏莽之地非厲兵不得過瀘沽東五亭達冕山所有瀘沽峽堅崖環水剜削一徑繞山腰如帶仰視壁立千霄俯瞰無際旁有小徑皆桐槽夷賊出入之路峽共長十五里出峽至鐵廠踰通濟橋折而東始脫孫水漸望冕山有奇峯如巫山

冕山北八亭達通相營歷小相公嶺盤幽谷而上可三

卷一百八

雲南二

三

十里逼近夷巢出沒之途千溪萬徑列營數十聚兵幾千猶時有梗塞之患踰嶺冬月多冰槽滑不可步稍失足卽墜深崖雨雪甚必懸車束馬而下險與瀘沽埒行旅渡瀘沽相公嶺則相慶脫險云

通相營三亭達越雋衛有桌楔標南中第一關

越雋北六亭達利濟驛逾青岡嶺迤東行空山中諸夷環向大剏之後稍戢

利濟北八亭達鎮西驛地酷寒無五穀居民皆仰食河南中有逕路達峩眉縣可避大相公嶺大渡河亭卒單弱遂爲番夷所據

鎮西西八亭達河南站歷鎮西所有隘道行陰岩中循水而下其水曰河南溝歷危橋二十餘
河南北六亭達富林營登晒經關關頭有晒經石方濶五尺餘外澤而中空相傳元裝歸自西域曝經石上下關濟大渡河河源出吐番急流注下險惡倍於金沙夏秋之交瘴毒甚厲又有流沙河不可以舟人馬皆徒涉富林北八亭達黎州安撫司有大渡河所其城三面依山臨深谷爲隍可數十丈一面通大相公嶺途經古漢原縣高山有良田千畝有啞泉其出無方人馬飲之輒死西入天竺茶商行之至打箭爐而止

黎州東北九亭至箐口驛度大相公嶺卽邛崃山王陽所歷九折阪也而嶺名相公蓋以武侯得名西南至黎州東北至箐口其山乃竟山頂有孔明廟久圯石像存焉行者過之相戒無譁不爾必有颶風颺雪雹磚瓦傷人華陽國志曰邛崃一名邛笮故邛人笮人界也岩阻峻回曲折乃至山上凝冰夏結冬則劇寒有長貧若採八度之難陽母閣俊並坂名黃泥堡有七縱橋太史楊慎過之改爲七擒橋以孔明將略在擒不在縱也有詩鐫石碑在川主廟前今碑已斷仆道左
箐口三亭達榮經縣川主廟爲孔明初擒孟獲處

自雲南至榮經縣一千八百六十里爲建越路
元謀在滇西鄙自姚楚入則徑自滇上入則迂故武
侯渡瀘取道白崖萬歲南伐轉戰勃弄 本朝建會
城於善闡以西偏爲屬縣郵傳商旅未有不經會城
者茲路雖設僅有空名環州姜驛郵卒無委積之供
大渡金沙津吏闕沙堤之築遂謂遊邛都者必回市
過瀘沽者必微服其實火焰以北盡率江潯祿馬禮
州原可走輪兩嶺非有關索之峻兩津非加築河之
惡也東西不靖茲實上游謂宜招集驍勇補營堡之
單弱剴削巉阻開道路之鬱迂又禮州德昌盈盈一
水順流數日可達金沙皆當乘時開通永利百世况
茲荒徼番獠跳梁關通道於中則盤錯之險盡失而
金銀丹漆棘僮笮馬之屬絡繹於雅黎嘉眉之間非
惟滇賴蜀亦利焉若任其幽阻罔思後圖恐滇道一
斷而五衛失輔車之依蜀且患鞭長之莫及矣

越西路考

由雲南治城金馬之南歷狗街至大漁村爲呈貢境遵
滇池東岸梁王山麓至馬軍鋪爲歸化境又二亭達晉
寧州可九亭而夷
晉寧東南循松子山澗行路濱谿水峰巒如列戟至河

澗鋪登關索嶺西瞰滇池東觀激水爲迤東阨塞漸下
至茨桐鋪逾石關達江川縣九亭

江川東循星雲湖上行有海門橋撫仙星雲之通津也
度橋而南過甸苴關逾二山皆寧州地又循札麓湖上
行至通海縣過七亭實六亭而夷

通海南至曲江驛江有流沙甚深策馬亂流可濟稍駐
足有陷者秋水突至卽爲巨津舊有渡舟恒苦漂溺巡
按御史沈正隆捐俸建橋工成沙走無著力處窮人力
掘沙見土而後堯以巨石首尾三年乃落成之號八亭
實九亭而畸

卷一百八 雲南二

九

曲江南至臨安府氣漸炎夷險皆半可九亭

臨安東南歷漾田安邊哨有三轉灣坡多盜坡竟至阿
迷州通十二亭

阿迷東逾橋至東山關有崇山躋山必窮日力乃至山
顛爲馬者有土酋普氏據其地重柵守之居者百餘家
夷多於漢可四亭而畸自阿迷東入夷巢無亭徼止宿
天明行至日中而稅多墊處

馬者東歷矣馬驛至多梳鋪六亭羅夷居之去多梳里
許有石洞幽邃泉水出焉水清冷流石成渠有淙淙聲
居人以甃瓮負水出諸洞二三月中流涸汲者窮其源

或深入數里

多枕舖東南歷木瓜舖永寧哨至羅臺驛四亭矣馬羅臺舊有驛今俱廢驛記藏之廣西府地俱爲普氏夷寨雜以四方流移漢人數家踰山有架衣莊產堅甲木瓜舖縣芋可百里西北枕山而蒞者爲新城所地高乾無可種蒔其產木棉馬金襄

羅臺驛逾山而南經倒馬坎林深磴險谿徑雜出昔有普者輅者爲夷賊巨魁荼毒行旅今就擒其地隸普氏而沙儂溷處夷患時有普氏設哨守之夾路多松土人劈爲木片以代瓦大風雨則不能禦至隴希砦共四亭

卷百八 雲南一

三

隴希南至新哨儂普二氏分疆之所嘗爲梅獮所焚有旁徑滋寇共六亭至彌勒灣山稍平夷一望沙磧皆戰場疆理隸彌勒州以漢官久不至儂氏斥境至此而又遠不能制水下陸詔沙普諸酋互爭之戎馬紛沓居民望風逃匿毋寧日焉

彌勒灣東逾山有竹子箐荆棘叢生莽有伏戎過楊屋戈勒襪舍三砦臨俺排江循西岸而進江出兩山中瘴毒不可邇清明後爲酷觸之無治者江東有大八百小八百二砦皆儂氏屬夷至僚排砦有公署建於砦之下誅茅爲屋六楹環以木柵共計八亭而遙白公署度板

橋絕江循東岸歷革雷砦馬鞍山六郎者莫至者豹公署號八亭實六亭

者豹東南歷小者馬砦有徑路通季達城又南歷省芽者兔羅幹速徵皆有溪流沃田耕省而穫多路出田中共六亭至速爲砦舊有速爲驛今廢

速爲東南歷母忙寨至木鐵下有公署上有儂夷寨數十餘家路坦夷可四亭

木鐵南歷那龍那堵者圍大者馬有高山深林四亭至廣南府夷漢雜處可千餘舍居民皆樓居以竹爲椽柱覆以松皮去地三四尺人居其上畜溷於下中設地爐

卷二頁

雲南二

三

懸稻穗其上薰令極乾每日椿而食編竹籠若魚罾纍纍數十置西南隅以祀鬼甘犬鼠非上賓不設萬歷末年儂氏兄弟爭立糾交陞入犯兵燹之餘民居皆草棚田埜蕪蕪未復業焉有楊廣廟昔狄青部將楊文廣追儂智高至此土人立廟祀之在治西三里許

廣南南至寶月關連山皆峭壁不可通惟此鑿石通道儂氏設關其上嚴啟閉踰關至公署可五亭

寶月關公署南經可王寨至西洋江五亭有崇山峙江岸江之淺者可揭而涉爲廣南審州界廣南之夷曰儂人富州之夷曰沙人氣類畧同而沙視儂爲勁渡西洋

江有崇坡躋坡至羅貢箐寇盜叢箐林中南往者必索
西洋兵北來者必索富州兵爲導富酋李氏與儂氏構
隙兵不越境或伐巨木橫箐中以絕往來兩氏禍未豸
則羅貢道斷或取道歸朝焉出箐至羅貢砦共四亭
羅貢南歷沙斗位來逾山上下可十里至布憂寨共
四亭
布憂南五亭至富州居民千餘家習氣類廣南曾沈明
通孱弱不振州治爲其下季天保所據明通出奔歸朝
天保內修兵甲外結交吐傲睨歸朝廣南歸順間稱勁
敵焉

卷一百一

雲南二

三

富州東南三亭至板崙田疇廣沃人民殷富實荒徼奧
區有公署裁於火

板崙東三亭至納桑砦公署去砦二里許
納桑南入納桑箐地隸廣西鎮安州實滇粵甌脫地箐
林類羅貢而嶮巖過之萑苻取人多扼於險出箐至鎮
安州四亭民居多依峭壁構竹樓覆以黃茅爲團倉以
困穀參差茅舍間徑路僅容一人其下皆腴田行人野
宿田中侵晨啟行砦夷必焚其籍草以辟鬼州南有交
趾砦莫氏以官監之鎮安酋長半服役焉每年納岑氏
餽數十館以當賦稅

鎮安東行川原中原窮登嶺南入苟把箐其長三十里
林莽倍密實交粵棄地夷寇之來莫知其踪行者以土
兵夾衛出箐爲箐口砦共六亭寨隸歸順居民稍就平
原

箐口東逾嶺下至苟把寨有照陽關石壁峭立半壁有
石洞穴山而過路出其中可十畝關西望朝曦出自洞
中故日照陽上下有石隘磴石峻嶒碍車馬脫輓輓解
鞍驪乃躋入關至安得砦共四亭

安得東歷打爛箐草棘亂生木多桂竹多棕有山呼鳥
鳴林中谷響相答自此多石山拔地突起山環若城中

卷二頁

重南二

三

有平疇者曰硎路出其中出石之所皆有石隘良田美
池一年耕穫嘗足支二三年伐竹構居績棉爲布居民
有老死不逾硎如辟秦人者見車馬絡繹聞華人言皆
聚觀驚咤男子能華言巾櫛短衣皮履嬪人椎髻跣足
長裙其硎曰打濫曰平砦曰細村自安得至細村六亭
細村東歷六硎那馱至歸順州六亭有石山三峰奇峭
如蘇氏木假山地氣溫煖草木四時常青土酋尙禮法
馭下以嚴合境無盜商賈湊集如中州焉州治北有險
砦下有徑一日而達交阯高平府

歸順東有河渡輿梁一徒杠二歷花硎至霸籠墟六亭

而遙有石隘三

霸籠東歷湖運關有河出交趾達左江湍瀉石中不可
以舟循河行有上雷州在河之右下雷州在河之左厲
揭而涉者一徒杠而渡者二其地陰凝陽洩明發寒氣
浸人亭午卽炎炎如坐炊甑隆冬猶汗浹背其人皮冠
而絺衣詢之云煖其首則諸疾不作氣使然耳稻田兩
熟竹有刺可作籬落自霸籠至下雷州六亭

下雷州六亭有高山公署行旅止宿苦無水逾石隘有
三脚村有茅屋數家皆兇狠不能華言

三脚村東歷隘石四五處倍高險六亭而達龍英州環

卷百八

雲南二

西

州石峰削而銳如笋刺地而出酋所居背負一峯高出
諸峰之上

龍英東有關爲太平州界其地去交趾僅二亭漸上高
岡下至聳峒六亭

聳峒東過養利州盡日行硿中平行可方軌樹生石上
根蜿蜒入於石四亭而遙至七村

七村至左州三亭始有城郭民始平居華言州枕左江
舟行拾日而達南寧

左州東達馱蘆四亭

馱蘆東亂左江至新寧州四亭

新寧東至牛岡六亭

牛岡南寧府再亂左江五亭而遙

由雲南治城東歷水海子黃土坡七甸至湯池九亭湯池歷老大坡宜良縣一椀水土官哨白山屯至路南州八亭而畸有陳家渡水出陸涼州達寧州

路南東南歷板橋屯小色朶大色朶林馬坳至發矣哨七亭有革泥巡檢司母伏矣哨多石

發矣哨東南歷馬矣哨龍舖六豐上馬州至彌勒州八亭

彌勒東南歷彌南哨橫水塘青水哨石子哨矣勒新村

卷二

雲南二

三

習於中哨龍潭芭蕉村至竹園村七亭其地坦平可通輪

竹園村東南歷石牛坡拖正舊哨新哨至江邊共八亭江濶六十餘丈水通曲靖府阿幢橋岸有坡崎嶇地隸土酋普世隆其疆止於大百戶波江上坡亦崎嶇歷大百戶有普世隆砦又歷懷遠寨至阿小砦隸普國禎山後有砦共八亭

阿小砦東南歷八洪砦大勒八到二哨矣堵村至三鄉城九亭

三鄉歷歸惠哨至彌勒灣七亭由彌勒灣會於廣南路

出彌勒州入廣西府歷龍甸村吉雙鄉矣明村阿平阿朝卽歪鴉迨至龍得哨七亭龍甸村有龍甸橋矣明村有草子山

龍得村東南歷小砦小江橋大江渡象鼻嶺沙人寨布業砦矣夷砦石頭砦小河至密勒勒九亭自廣西府至江邊道路新闢可通輿馬江外皆土舍昂氏地密勒勒有昂氏砦

密勒勒東南歷大黑布治小黑布治八倒哨矣堵哨山白村至三郎城三亭昂氏地止於小黑布治八倒山陞有水田有馬者龍鄉矣堵有阿寧鄉龍騰宿砦山白村

卷一百八

雲南二

美

有大勒哨山草海子皆平衍三鄉北達交水南入廣南實東偏名區土酋阿機負固叛官兵蕩之以廣西府經歷鎮其地漢官畏瘴毒不敢入酋長龍騰宿普國祥輩構兵如亂繩焉自三鄉縣會密勒灣入廣南路由寶月關東分岐至阿用寨七亭

阿用寨東循西洋江至老太莊七亭

老太庄東歷打魚莊入富州界過板湖砦度西洋江沿江道窄崖峻山後有那齊砦實盜藪共九亭至花甲砦地界有野處之所又九亭至耿牙砦去花甲砦二亭花甲有砦官羅氏服役廣南富州之間

耿牙東至高山公館八亭

高山東至東坡七亭有野處之所

東坡東至歸朝七亭富州酋沈氏居焉其地負崇山面河寨夷千餘家沙獠兼有之遠望有雲氣如絮罩其上炎熱多瘴

歸朝東七亭至架村

架村東歷莫村昔爲交趾爲王莫氏地歸朝酋新得之盡曰行箐中十亭而達鎮安州

由富州有逕路東南二日可達歸朝亭里未詳

由歸朝有逕路東南四日可達歸順州亭里未詳

卷頁

雲南二

七

由歸順東至四亭地名六亭

四亭地名東至者散四亭

者散東至者令四亭

者令東至博隘三亭博隘有大江舟行達田州四日又八日而達南寧府

由廣南府東歷舖兵村弄董抵弄魯下賽利十二日而達田州道由泗城州有土酋岑天章與父紹助構兵東行者皆避泗城

自雲南由臨安彌勒灣廣南富州歸順至南寧府二千一百二十里 由宜良彌勒三鄉至彌勒灣七百

二十七里 由彌勒州廣西府至三鄉縣一百九十五里 由寶月關歸朝至鎮安七百一十里并歸朝至博隘廣南至泗城由州通爲廣南路

昔兩路之通也仕官商賈間出廣南其人聞華言則相視而笑遺以食鹽檳榔金絲烟喜出過望以米薪豚酒酬焉行旅野宿無盜賊之虞頃歲滇粵往來者踵相接有亡命竄其中導之初以數人持刀盾伏於箐同行者譟而出行者大駭奔走委二麓於地發之皆兼金也其後每劫必大獲有聚數百人要於路者羅貢狗把納桑爲淵藪諸酋中歸順最賢比來皆索

卷百八

雲南二

天

其兵而其下必索重賄乃呵護出疆鎮安酋苛求無厭而仕官爲甚拂其欲無得免者行旅以廣南爲畏途矣噫諸夷混沌也重利以啟之奸人以誘之覈之不鑿者鮮矣豈特廣南一路爲然哉

由雲南東至宜良縣十二亭途經湯池有老大坡

宜良東至天生關七亭關右有天生橋寬平丈餘可容車馬

天生關東至趙誇四亭

趙誇東至師宗州九亭路出夷砦中時有剽奪之患

師宗東至羅平州九亭

羅平東至三板橋六亭

三板橋東至江頭七亭

江頭東至黃草壩八亭地實黔壤昔普安陷於賊州民羣聚於此廬焉

黃草壩東至鄭屯八亭有江褰裳可涉

鄭屯東至棲革四亭

棲革東至安籠所四亭安籠地隸粵西粵師援黔道出此關路寬衍止宿之所有公署今俱廢

安籠所東至板屯六亭

板屯東至壩栖四亭過江有舟可渡自安籠至此沿江

卷一百八 雲南

无

多瘴峻嶺隘道夷寇出沒無所又三日至安籠司

安籠司東至芭蕉關四亭關險峻扼諸夷之吭

芭蕉關東至潞程九亭自此至田州道俱坦夷

潞程東至王店九亭

王店東至歸樂九亭界泗城田州有夷患

歸樂東至榮莊九亭

榮莊東至田州九亭州臨右江舟行八日而至南寧

田州東至舊州九亭

舊州東至上林縣五亭

上林縣東至果化縣五亭

果化縣東至隆安縣五亭

隆安縣東至大灘驛十二亭

大灘東至南寧府六亭

南寧府所北九十里至羊腸軍屯歷魯溝山箐

由羊腸軍屯歷窑上灰渣軍屯至水橋軍屯四十里水橋隸貴州安南衛

水橋歷播者過普渡河朶渡寨行山箐中六十里至羅運羅運有小箐五十里至打罕舊爲永寧州治其地酷寒土人呼爲朋寒訛爲打罕

按鄭旻牂牁江解畧曰余弭節度盤江江廣百餘步沿江上下絕擊汰之迹水勢批岩密汨土人謂水漲

卷一百一

雲南二

三

時漂筏撞舟峭壁箐嵐人迹罕入下流至打罕聯泗城界舟舡始通焉則打罕當在查城安南之南第云舟舡可通其視田州博隘放流更捷矣然迄無行者豈剗夷未加嬰後盤剝爲苦乎抑夷獠若窳不欲漢人出其地故榛蕪難闢乎姑記之以俟知者

打罕五十里至羅架有小箐有泗城頭曰居此

羅架五十里至火烘舊鎮寧州治此今泗城銀寧分屬焉其地炎多瘴

火烘歷高補籠若有砦夷爲盜行者必以火烘兵衛導又歷豬腸壩爲安順十三枝地無定屬夷寇實多共三

十五里至康佐長官司扁担關爲土酋余騰龍地全黔
叛惟騰龍効順闢此路通滇

扁担關歷長衝窰上接土酋薛氏境由高磨堡石堡軍
屯普定伍官屯至平壩五十五里其地軍屯衛士皆參
將范邦雄攝之雄有勇略爲水酋所憚諸屯賴保聚焉
自湯池山羅平黃草壩安籠所至南寧府一千六百
九十里 自安籠所分岐至平壩衛達東路三百三
十里通爲羅平路


漢番陽令唐蒙鳳曉南粵南粵食蒙蒟醬詢之蜀賈
人知夜郎臨牂牁江江廣數百餘步足以行舟南粵

以財物役屬夜郎西至桐師遂上書欲發夜郎兵浮
牂牁江出不意以制粵今按牂牁郡屬縣至句町
漏則羅平黃草大略皆夜郎地所云浮舡制粵非郎
博隘田州之間乎田酋殺父妻母狙喜獸鬪殺人如
芟草芥行旅逢其怒多罹害又安籠以東行旅竟
無水多至數十人則無米可易者是以出其途者鮮
少或識其道里而山川關焉然視廣南則徑矣火烘
打罕故爲二州漢官不莅其地僑寓二衛諸酋襍處
頃歲槃江東西盡叛惟餘酋効順滇黔借境通聲息
始識此路因併志之

金沙江總圖

卷二百八 雲南





蠻夷司地方漢夷
同居此處太平

馬湖地方

馬湖府

卷一百八

烏蒙府

麻柳灣

教化岩

蓮花三澗

拽灘

香溪

石角灘

叙馬渡大野

叙州府

水



水野

金沙江考

附圖
見前

江源出吐番共龍州東至巨津寶山三面環麗江至鶴慶受漾共江諸水又東經北勝受桑園龍潭程海諸水又東經姚安受蜻蛉大姚龍蛟諸水又東經楚雄定遠縣受龍川諸江水又東至武定元謀縣受草寧河又東至祿勸州受滇池海口青魚塘甸基武七三泊始甸蛇川後甸松坪祿脹兩龍羅次石門五道河羅畝大石堤富民赤舊普渡河廣翅塘諸水又東經會理州受寧遠越溪雙橋長河瀘沽打衝東河熱池諸水又東經東川

卷頁

雲南二

三

齊盧部過烏權山受尋甸牛欄江壁谷川嚼齒化溪諸水又東經烏蒙南又東經馬湖受尼溪大小汝溪諸水又東至敘州府入於江前僉事王惟賢議自雲南海口開至安寧羅末富民只舊徐革連古普渡安革法干土色江邊阿納木姑共十三程內土色有疊水自武定金沙江巡檢司至馬喇母白馬口燦喇則五曲革直勤則卓刺除魯圭寧抄荅甸沙吉撒麻村至土色大江阿納木姑凡十四處內則卓沙吉有疊水近莊按察司祖誥議自巡檢司開由白馬口歷普隆紅岩石喇鮮至廣翅塘皆祿勸州地其下有三灘水溢沒石乃可放舟涸則

躋岸纜空舟以行又歷直勒村罵喇土色皆會理州地
其下有雞心石石如堆者三壘江中舟者相水勢緩急
可行又歷踏炤亂得頭峽喇鮓至粉壁灘甚駛皆東川
地又歷驛馬河新灘至虎跳灘陰溝洞皆巧家地虎跳
湍瀉陡石不可行舟陰溝二山頽集水行山腹中皆從
陸過灘易舟而下又歷大小流灘爲蠻夷司地又歷黃
郎木舖貴溪砦業灘至南江口爲烏蒙府地始安流自
廣翅塘至南江木商行之可十日又至文溪鐵索江邊
數灘歷麻柳灣教化岩爲馬湖府地又歷拽灘蓮花三
灘會溪石角灘至敘州府

按金沙經營滇北合江漢朝宗爲南國紀昔在草昧
尼落雄峴南土凭恃斯險負固抗衡今車書大同極
滇西鄙遠及窮髮轍迹俱遍而其通道要津反棄之
以與烏蠻巧色俾滋蟠踞非所以宏一統也攷之紀
載漢武先擊勞浸靡莫以兵臨滇池而僞王俛首華
陽國志云自爨道至米堤有水道步道水道有黑水
及羊官水至險難行步道度三津亦艱阻而行人爲
之謠曰檣溪赤木盤蛇七曲盤羊烏攏勢與天通今
烏攏在東川卽絳雲弄其山多雪四時不消金沙遶
出其下羊官黑水并指茲江乎元至元十四年詔開

烏蒙道愛魯帥師擊玉連州所過城砦盡下之水陸皆置驛傳今烏蒙有羅佐關其下有羅佐橋爲入滇要路則水陸皆在東川烏蒙間卽所稱勞浸靡莫非乎核形勢商利鈍未有不先闢此險而能控荒服破砦窳者壅塞磯怒漩湍瀑瀉地之險也畫州啟道崇伯子之智可師也陰陽詞說盜弄兵甲人之險也三表五餌懷王傳之畧可彷彿也茲江苟通則田池之輕舫可挽而之普渡建越之艨艟可汎而下瀘沽通滇蜀筋脈之會續長江衣帶之勢是使諸夷不長纓而繫十五郡可裘領而擊也大哉 高皇帝之言曰關

索嶺非正路正路當在西北猷之遠矣

張機南金沙江源流考

按大金沙江發源崑崙山西北吐蕃地卽夏禹所導黑水也雖與雲南小金沙江及瀾滄潞江皆發源吐番然金沙江之源較三江最荒遠且其源於三江源邈不相近其下流亦十倍小金沙江及瀾滄二江之水按禹貢華陽黑水惟梁州黑水西河惟雍州周文安辯欵錄云甘肅志甘州之西十里有黑水流入居延海肅州之西北有黑水東流荒遠莫窮所之是其源入雍州之西流入梁州之西南其正西別流遶西極之外而無所據見

地勢西北最高故能經西而西南也雲南志載金沙江
出西蕃流至緬甸其廣五里徑趨南海歸非黑水源出
張掖流入南海者乎河源在中州西南直四川馬湖蠻
邦之正西三千餘里雲南麗江宣撫司之西北一千五
百餘里愚觀黃河源近雲南地在大金沙江源自番雍
之地南入緬海論雍梁間水惟此大耳此水爲黑水無
足辨矣朱子云天下有三大水曰黃河曰長江曰鴨綠
江此語無怪也宋初斧畫雲南南渡又偏安一隅朱子
又從何知有此江之長廣於江河哉黃真元又云考大
金沙江瀾滄三水雖皆入南海大小遠近迥不同瀾滄

卷頁

雲南一

三

僅四分之一大金沙三倍於瀾滄瀾滄所出地名在鹿
石山在雍望俱可窮源上流亦狹大金沙江之源則遠
出番域上流已濶澄若重溟黝然深碧夏秋漲溢江色
不變若比於楊子滄浪一小溪有詩語大金沙江之長
渡又可知矣其注云旁多松有琥珀自孟養地來孟養
正在金沙江之濱今瀾滄不聞有珀琥大理志指瀾滄
爲黑水亦不深考耳相傳大金沙江上源近大宛國自
里麻茶山至孟養極北不聞有所往號赤髮埜人境峭
壁不可梯繩弱水不任舟筏土人惟遠見川外隱隱有
人馬形似殆西羌之域也今姑畧其源惟自其經流支

流入海可見者言之水流至孟養陸阻地有二大水自西北來一名大居江又云大車江一名檳榔此二水至此合流又名大盈江今騰越舟人總甸內諸水亦曰大盈江殆竊侈其名也江流至此夷人方名其爲金沙江江中產綠玉黃金鈿子金精石墨玉水晶間出白玉濱江山下出琥珀舊志以琥珀綠玉出在瀾滄江者謬矣昔年王靖遠蔣定西追麓川叛賊思機發思卜發兄弟造舡飛渡孟養復及與思祿盟誓江乾石爛乃許其過江者皆此江也滇人相傳名大金沙江若以別麗江北勝武定馬湖之小金沙江耳自此南流經官猛莫噉莫

卷頁

雲南二

三

郎至猛掌有一江西來入大金沙江又南下昔樸怕鮮猛莫猛外經蠻莫有一江源自騰越大盈經鎮夷南甸千崖受展西茶山古湧諸水伏流南牙山麓出經蠻莫入大金沙江江又經蠻法魯勒猛拱遮整管屯大菖浦山峽小菖浦山峽課馬孟養怕崩山峽戶董鬼哭山曼撤昔年緬人攻孟養以舡運兵餉到曼撤爲孟養所敗者此江也正統中蔣雄帥兵追思機發爲緬人所壓殺於江中亦此江也大約江自蠻莫以上山竦水陡正統中郭登自貢章順流不十日至緬甸者亦此江也下流經温板有一江源自騰越龍川江經界尾高黎共山隴

川猛乃猛密所部莫勒江至太公城江頭城入於金沙江下流又經猛吉準古温板又名温板江温板又名流沙河相傳唐僧取經過此渡故名皆金沙江也猛戛馬噠喇至江頭城江中有大山極秀聳山上大寺又有一江源自猛辨洗母戛南來入大金沙江又經止郎龍大馬革底馬撒躋馬入南海其江至蠻以下地勢平衍江濶可十五餘里舊志云五里者非也經南江益廣流益慢緬人善舟又善泅水操櫓楫者如涉平地至是江海之水瀦爲一色矣文選載佛經云拔提河一名金沙池脫履金沙云云金沙江亦名拔提河矣今再附攷蒙化

府志瀾滄江與漾濞江蒙人謂之大小二江合西洱河勝清河至順蒙交界處土人謂之羅擦聚日出水光蕩射可觀不二十餘日至錦龍江卽水下流海多客舡會易於此漸漸至南海永昌府志潞江一名怒江水經注云漏江楊慎云漏江今訛爲潞江源出吐蕃流經芒市至木邦地名查哩江又流經八百車里地至攞古東入南海自木邦以來卽可通舟楫昔年隴水多土寧前往擺古見莽瑞體皆由此江順流而下也舊傳潞江流至洪門車里沙磧浸散與辺騰越志以爲入大金沙江皆非是愚嘗謂三江皆可舟可航夷人欲據險隱塞不使

通行豈知天地設此三江正爲 木朝制馭西南緬甸
諸夷彼當事者誠不可忽而不講求也異日 聖天子
問緬甸諸夷久不朝貢之罪則此三江者固漢家橋艇
下番禺出奇制粵之牂牁江也

前人北金沙江源流

按金沙江源出吐番共龍州犁牛石下謂之犁牛河又
名犁水訛名爲麗又名麗江卽古名麗水蓋以其江內
產黃金故名金沙江元憲宗取大理用革囊爲筏以濟
金沙江者卽此江也其流經吐番鐵城橋東經麗江府
巨津寶山二州又東經鶴慶府北勝州姚安府又自武

卷一百一

雲南二

三

定府北界經黎溪州蒙氏僭封爲四瀆之一亦卽此江
也又自武定下流入濟慮部夷人鑿桐槽船以通往來
行旅遂又名金沙渡又西過四川東川府一名黑水一
名納夷然皆金沙江別名又經四川行都司會川建昌
德昌打衝等衛所又經烏蒙府又經馬湖府蠻夷長官
司與馬湖江相合下流至敘州入岷江矣今自其支流
者言之大理賓州大江北入金沙江鶴慶漾共江東南
至龍珠山入石穴伏流復出金沙江三莊河與漾共江
會流入金沙江北勝州桑園河經州西南桑園村下流
入金沙江龍潭泉有九眼下流入金沙江程湖南入金

沙江姚安府蜻蛉河西經大姚縣東入金沙江龍蛟江
一名苴泡江合姚州連場香水二河八金沙江安寧州
螳螂川卽滇池所洩下流滌洞州治上過昆陽州下經
富民縣入金沙江楚雄府龍川江西合諸水爲嶧峽川
又東合諸水經定遠縣黑鹽井下流入金沙江考安寧
楚雄二水雖小皆可通舟楫武定府西溪河經楚雄府
至元謀縣西入金沙江又勒夷水曹渡河俱入金沙江
以上皆雲南之水朝宗於東海順流於中國者四川東
川府牛欄江源出尋甸府入金沙江辟谷川源出尋甸
府白津河西入金沙江越嵩衛大渡河源出吐番下流

合馬湖江四川行都司寧遠河西南合瀘水入金沙江
懷遠河南合瀘水入金沙江鹽井衛越溪河東合打衝
河八金沙江雙橋河流經打衝河入金沙江會川衛瀘
沽河出小相公嶺入金沙江打衝河千戶所打衝河
蠻名黑惠江又名納夷江源出吐番下流入金沙江見
橋千戶所東河源出小相公嶺會瀘沽河入金沙江四
川行都司南瀘水源出吐番流入金沙江元史云水源
廣而多瘴鮮有行者春夏常熱可燂雞豚諸葛武侯五
月渡瀘卽此水也元李景山云益州記水經俱以瀘水
在永昌不韋縣寰宇記以爲在嵩州會川縣景因出使

越嶲考瀘水源蓋建昌瀘川驛有孟獲城又有瀘沾州孔明渡瀘由雋州入益卽滇池此名度瀘爲有驗今水出吐番過建昌會川合金沙江夾岸多高岩叢葦故下渡如經甌釜炎熱雍鬱多感瘴癘至今猶然或以金沙江卽瀘水誤矣雲南之水迤東可通中國者如雲南府大城江自陽宗明湖經宜良入盤江臨安之瀘江曲江婆兮江入盤江澂江府之巴盤江鐵赤河入盤江廣西府之八甸溪入盤江盤江至府境水爲大曲靖府之瀟湘江白石江合盤江經交水至彌勒入平伐橫山砦下經廣西潯江入於海廣南府西洋江入廣西田州府石

江南注溪亦入右江尋甸府阿交合溪入霑益州界北經理廣西田州水陸者安可忽之哉如大理府西洱河下與漾備江合流入瀾滄江漾備亦名神莊江瀾滄江源出吐番自西而南至於麗江蘭州雲龍過永昌楚雄臨安車里大甸七十城門至交趾入海趙州白崖賧江一名赤水江下流至定邊名禮社江合瀾滄江臨安府西有禮社江入納樓茶甸界爲祿豐江經合蒙自爲梨花江注於交趾清水江楚雄府馬龍江源自蒙化境由定邊磔嘉合白崖賧江南入元江景東瀾滄江大河河出定邊入馬龍江景東府杉木江馬涌江合南浪江

入威遠州界永寧府羅易江北過府境勒汲河入四川
鹽井衛界順寧府備溪江西洱漾濞二水合流至本府
鐵場山下合瀾滄江故名元江府禮社江一名元江源
出白崖賧江合瀾滄江諸水入交趾新化州摩沙勒江
卽禮社江下流至元江入交趾者樂甸長官景東河其
源出景東經本甸下入馬龍江北勝州羅易江入永寧
府白角河入西番界永昌府瀾滄江銀龍江入瀾滄江
勝備河入備溪江潞江一名怒江經芒市木邦八百下
流爲查哩江經擺古入南海檳榔江出吐番邊金齒百
夷經千崖阿昔下合大車江至江頭城騰越大盈江一

卷百八 雲南二

名大車入南甸爲小梁河至千崖爲安樂河西流爲檳
榔江龍川江下流至緬甸太公城合大盈江雲南府安
寧河出安寧經富民羅次爲沙摩溪至祿豐爲大溪至
易門爲九渡河爲元河又星宿河出武定經祿豐過易
門爲元江蒙化府陽江出郡西北甸頭花判澗南至甸
尾過定邊與迷川禮社江相合過元江入海瀾滄江與
漾濞江蒙人謂之大小二江至順蒙交界處土人謂之
羅擦聚二水相交日出水光蕩射可觀不二十餘日至
錦龍江一名九龍舡行會海峇於此漸至南海愚謂雲
南通緬甸諸夷水路舊惟知有金沙江可通大舟不知

潞江查哩一派可通擺古瀾滄銀龍一派可通八百交趾皆可舟可舫之水經理緬甸者誠不可不講求也故附及之

升菴集

孔明出師表五月渡瀘今以爲瀘州非也瀘州古之江陽而瀘水乃今之金沙江卽黑水也其水色黑故以瀘名之耳沉黎古志孔明南征由今黎州路黎州四百餘里至兩林蠻自兩林南瑟琶部三程至鴛州十程至瀘水瀘水四程至弄棟卽姚州也今之金沙江在滇蜀之交一在武定府元江驛一在姚安之左徼據沉黎志孔

卷頁

雲南一

一

明所渡當是今之左徼也瑟琶一作虱琶兩林今之印部長官司也

楊士雲議開金沙江書

按志金沙江古名麗水源出吐番界共龍州黎牛石下名犁水誤黎爲麗東經寶山巨津一州三面環麗江府東經鶴慶受漾共江諸水又東經姚安府受蜻蛉大姚龍蛟諸水又東經武定府受元謀西溪諸水又受滇池螳螂諸水又東經東川府西入齊瀘部受尋甸牛欄壁谷喟嚙化諸水又東經烏蒙南又東經鹽井建昌會川越鴛諸衛合瀘水受懷遠宜遠越淇雙橋長河瀘湘大

洞魚洞羅羅打衝東河熱池諸水又東至馬湖府受泥溪大小汶諸水又東至敘州府受大江此南中西北之險蒙氏僭稱北瀆者也按史漢武帝遣馳義侯開越巂郡尋遣郭昌等開益州郡諸葛武侯渡瀘南征斬雍闓擒孟獲遂平四郡定滇池皆先奪此險也始通西南諸夷歷晉及隨通壅靡常至唐蒙氏世爲邊患至酋龍極矣屢寇黎雅一破黔雅四盜西川皆由據此險也遂基南詔亡唐之禍宋太祖鑒此以玉斧畫大渡河口此外非吾有棄此險也遂成鄭趙楊段氏二百餘年之僭元世祖乘革囊及筏渡江進薄大理破段智興據此險也

卷頁

雲南二

雲

遂平西南之夷

明初梁王拒命太祖高皇帝命將

征討神機妙算悉出

聖裁諭頴川侯等曰關索嶺路

本非正道正道又在西北蓋謂此也班固謂皆恃其險乍出乍驕范曄謂憑深阻峭紆徐駭道宋祚謂讓生於易患生無備誠確論也夫雲南四大水惟金沙江合江海朝宗於海爲南國紀天設地造本爲天下用也歷代乃棄諸夷酋資其桀驁雖建立城戍僅僅自守時或陷沒豈知天有宿度地有經水人有脈絡禹貢於每州末必曰浮某水達某水入某水逾某水蓋紀貢道達於帝都著天下大勢以水爲經紀也孰謂滔滔大川可浮可

達及舍而陸乃比至永寧東至鎮遠不亦勞乎禹外薄
四海各迪有功夫一勞永逸暫廢永寧執事之議詳矣
為國家慮深且遠矣所謂計費吝賞責效讒言斯固古
今之恒態不能成天下之事者也然英傑見河必有繹
之者續神禹疏鑿之績恢四海會同之風息東西兩路
之肩拊滇雲百蠻之背旨為絕海奧區今為掌中腹裏
一統無外之治萬年無疆之休實在於此凡有識者咸
日望之庶幾見之惟執事留意幸甚

毛鳳韶疏通邊方河道議

竊照雲南地方有水路直抵四川馬湖府初以遐僻為

卷頁

雲南二

七

禹迹所不到遂為土人所據至我國家始郡縣其地
同於華夏然貢獻之物省官使之行李軍民商賈之物
貨擔負萬里筋力已疲而土官土舍因見道路阻絕每
懷異志及今國勢強盛不行開通將來之悔不敢謂無
也本道訪據武定府揭帖內開府本有迤東通四川水
路自雲南海口至安寧羅末富民只舊徐革達吉普渡
河安革法干土色至大江俱本省地方大江至四川東
川地方大江邊阿納木姑共一十三站內土色有疊水
又有迤西通四川水路自雲南陸路至富民武定處仁
環川至金沙江巡檢司凡五站本司金沙江水路下船

至罵刺母白馬曰燦刺則五曲革直勒則卓刺除魯丰
寧抄荅甸沙吉撒麻村亦至土色大江阿納木姑凡一
十四站內則卓沙吉有疊水等情又據金沙江巡簡司
應襲巡簡土舍李朝宣稟帖內開金沙江上至麗江瀾
滄至姚安府武定府下至東川烏蒙芒部上江宏治正
德中馬湖府安監生放杉板嘉靖十七年王萬安亦放
杉板俱係拖梢五板大舡經過或十餘隻或八九隻建
昌行都司奉 欽取大木寧番越嶲鹽井建昌等五衛
俱在上江打沖和三江口并德昌千戶所地方或劄簿
或散放會川衛在下江科州採砍查審開江船行苦問

灘水險阻魯開虎跳灘天生橋十分不爲險阻等情又
審據本府姜驛驛丞梁松稟稱本驛設在金沙江巡檢
司之西過江五十里與四川會川衛抵界每見客人採
販木劄成簿筏自本司江流而晝夜六日卽抵馬湖隨
簿下舡或一二十隻裝載糧食有養豬畜客人跳簿擲
舡如履平地離本司下江五六十里有大小虎跳灘俱
是金沙江至冬春水落之際可以施工開鑿等情又據
本府揭帖內開據經過建昌客人何松執稱建昌衛管
下德昌守禦千戶所洗迷村伐木下江頭一程至白水
站一程至會川衛管下甸沙關一程至梅易千戶所三

程至武定府和曲州金沙江等情隨喚何松亦稱馬湖
建昌等處客人採取大小板枋俱是德昌下河從金沙
江巡簡司經過直至馬湖敘州令伊畫圖各到道爲照
前項河道武定迤東極爲捷徑且甚便益但訪得河內
間有蠻尖石兩邊崖石生合成橋水從石縫流下未委
虛實若迤西金沙江則水面洪濶四時橫流客商通販
前後不絕中間雖有虎跳二灘然皆沙石易鑿此則斷
然可通而無疑者也先年巡撫都御史黃衷會議開備
取金沙江巡簡司曠愛招集馬湖橫江客人俱到布政
司舉行間以陞遷中止近年巡撫都御史汪文盛亦曾

委官踏勘以征南中止事功之會人咸惜之合無批行
總司會同布都二司從長計議先將東西二道台委能
幹文武重職帶同屬官多給官銀督同本處土官土舍
俱優其廩給帶領木竹石鐵等匠厚其口糧衣鞋沿途
用銀雇倩熟知地利鄉道人役隨帶小舡及沿河採買
竹木扎爲簿筏乘載通行逐處踏勘直至馬湖大江而
上中間要見舟楫無碍經行者幾處危石可鑿者幾處
幾丈幾尺如有絕險人力所不能施者作兩截盤運沿
河陸路可通者幾處不通者幾處應令開闢者幾處幾
里幾十步及沿河有無人烟稀密堪立驛遞舖分哨堡

等項各計合用功力夫匠若干錢糧若干悉心料理勘估明白畫圖帖說並將用過官銀具出造冊回報然後擬議奏請行委三司堂上官親詣督理開通施行則不獨一時一方之利實 國家久安長治之計策也

仁甫氏舊志曰梁州黑水今瀾滄江是此江所經狹壑深塹兩山夾流原非禹鑿元張立道使交趾由黑水入三崇山瀾滄經其麓今其地蓋有黑水祠乃永昌諸生黃貞元又以黑水歸金沙江謂有兩金沙又非李氏以瀾滄爲黑水以江內外分夷漢又非樊綽以麗水爲黑水非程氏以西洱爲黑水非地里志以南廣爲黑水語

卷二頁

雲南二

五

詳騰越志中

天下郡國利病書卷一百八終

欽定四庫全書
聚珍版